

EVENING GOJRI NEWS BULLETIN

10MAR 2025

1700HRS

اوننگ گوجری نیوز بولیٹن 10 مارچ 2025

یوہ آکاشوانی جموں ہے نصرت تے ظفر اقبال تیں خبر سُنو۔

HEADLINES

- ۱۔ وزیر اعلیٰ عمر عبداللہ نے کہوی گلمرگ فیشن شیو غو حکومت تیں کوئی تعلق نہیں ہے تے انہاں نے نائب وزیر اعلیٰ نانہہ کٹھوعہ جان تیں روکن ور چایا سوال۔
- ۲۔ بلاور م مانہہ شہریاں غی ہلاکت تے گلمرگ فیشن شو ور اسمبلی مانہہ مسلسل ہنگامہ غی وجہ تیں سپیکر نے ان دواں معاملات ور بحث کرن تیں انکار کیو۔
- ۳۔ حکومت غو برو دعوو ۹۱۰۲ تیں ہُن توڑی مرکزی زیر انتظام علاقہ مانہہ ۰۱ ہزار ۵ سو ۶۱ کروڑ پوریہ غی سرمایہ کاری جموں مانہہ ۷ ہزار ۱ سو ۸ کروڑ تے کشمیر مانہہ ۳ ہزار ۴ سو ۷ کروڑ ۳۶ لکھ روپیہ لایا گیا۔
- ۴۔ جموں کشمیر غی قانون ساز اسمبلی مانہہ بجٹ غا دوجا تہاڑے ور بحث جاری تے ارکان نے بجٹ غا مختلف پہلوں ور گل کی۔
- ۵۔ محکمہ موسمیات نے اج تیں ہفتہ بھر بارش غا موسم رہن غی پیش گوئی کی ہے۔

CM FASHION SHOW

وزیر اعلیٰ عمر عبداللہ نے اج وضاحت کیو کہ جموں کشمیر حکومت غو گلمرگ مانہہ ہویا فیشن شو غا انعقاد تیں کوئی تعلق نہیں تھو۔ آکاشوانی جموں گا نامہ نگار غے مطابق اسمبلی مانہہ گفتگو کرتا واں عمر عبداللہ نے کہی وکہ واہ ایک نجی تقریب تھی جہیڑی ایک نجی ہوٹل مانہہ منعقد ہوئی تے اُس مانہہ سرکاری ڈھانچہ غو کوئی استعمال نہیں ہوو۔ انہاں نے کہیو انتظامیہ نانہہ ہدایت دتی گئی ہے کہ انعقاد کرن آلاں نے کسی قانون غی خلا □ ورزی کی ہے یا نہیں تے اگر کوئی خلا □ ورزی پائی جے تو معاملو پولیس غے حوالے کیو جے غو وزیر اعلیٰ نے مزید اس طرح کہیو۔ عمر عبداللہ نے اس گل ور سوال چایو کہ حزب اختلاف □ قائد سونیل شرما مانہہ کیو کٹھوعہ جان غی اجازت دتی گئی تے نائب وزیر اعلیٰ نانہہ روک دتو گیو۔ انہاں نے مزید کہیو کہ اگر کٹھوعہ مانہہ حالات اتنا ہی خراب تھیا تیں حزب اختلاف □ گا لیڈر نانہہ کیو اجازت دتی گئی۔

LA UPROARIOUS SCENES

اج جموں کشمیر غی قانون ساز اسمبلی مانہہ بیلاور کٹھوعہ مانہہ ترے عام شہریاں غا قتل تے گلمرگ مانہہ ہویا فحش فیشن شو ور ہنگامہ آرائی دیکھن مانہہ آئی آکاشوانی جموں غا نامہ نگار غے مطابق جسراں ہی سوال جواب غو اجلاس شروع ہوو نیشنل کانفرنس تے کانگریس غا اراکین کھڑا ہو گیا تے بیلاور مانہہ شہریاں غا قتل ور بحث غو مطالبو کیو۔ سپیکر نے بار بار

این سی غا اراکین تیں کہیو کہ ہنگامی ارائی بند کریں تے اپنی نشستیاں ور بیسیں لیکن این سی اراکین مسلسل احتجاج کرتا رہیا است دوران کپواڑہ غا رکن اسمبلی میر محمد فیاض نے گلمرگ مانہ ہویا فحش فیشن شو غا انعقاد کرن آلاں غے خلا □ سخت کاروائی غو مطالبو کیو مسلسل ہنگامہ غی وجہ تیں سپیکر نے ان دواں معاملات ور بحث کرن تیں انکار کیو۔

J&K INVESTMENTS

جموں کشمیر حکومت نے اج انکشا □ کیو کہ ۹۱۰۲ تیں ہُن توڑی مرکزی زیر انتظام علاقہ مانہ ۰۱ ہزار ۵ سو ۶۱ کروڑ روپیہ غی سرمایہ کاری ہوئی ہے۔ آکاشوانی جموں غا نامہ نگار غے مطابق وزیر صنعت و تجارت سریندر چودھری نے ایوان نانہ دسیو کہ ۲ ہزار ۰۲۔۹۱ تیں ہُن توڑی ۰۱ ہزار ۵ سو ۶۱ کروڑ روپیہ غی سرمایہ کاری کی جا چکی ہے۔ بدھل غ اُرن اسمبلی جاوید اقبال چودھری غا سوال غا تحریری جواب مانہ وزیر نے کہیو کہ ۹۱۰۲ تیں ہُن توڑی کشمیر مانہ ۳ ہزار ۴ سو ۷ کروڑ ۳۶ لکھ روپیہ تے جموں مانہ ۷ ہزار ۱ سو ۸ کروڑ روپیہ غی سرمایہ کاری کی گئی ہے۔

LA MEDICAL PROFESSIONALS

صحت تے طبی تعلیم غی وزیر سکینہ اتو نے اج قانون ساز اسمبلی مانہ دسیو ہے جے محکمہ صحت نے ڈاکٹران تے طبی پیشہ ور افراد غی پرتی نانہ تیزی سنگ کران غی کوشش کی ہے۔ وزیر نے مزید جانکاری دیتا وں دسیو جے گزشتہ سال ۲۰۲۲ غا نومبر مہینہ مانہ جموں کشمیر صحت تے خاندانی بہبود محکمہ مانہ ۳ سو ۵۶ امید وار طبی افسراں غا طور ور تعینات کیا گیا تھا۔ انہاں نے مزید جانکاری دیتا وں دسیو ہے جے محکمہ ۱۹ مُنتخب طبی افسر غا سلسلہ مانہ ایک ویٹنگ لسٹ وی جاری کرن غا عمل مانہ ہے۔ جن غی خدمات نانہ زیر خدمت علاقان مانہ وی استعمال کیو جے غو صحت غی وزیر نے مزید دسیو ہے جے جموں کشمیر عوامی سروس کمیشن توں طبی افسراں غی ۱۸۱ اسامی موصول ہونو باقی ہیں تے یہ انتخابات موصول ہون غے بعد مُنتخب ڈاکٹران نانہ صحت غا اداراں مانہ تعینات کی وجہ گو جہیرا جے عملہ غی کمی نانہ محسوس کر رہیا ہیں۔

FREE BUS RIDES

جموں غی ہل چل سنگ پری سڑکاں تو لے غے کشمیر غی پر سکون وادیاں توڑی اُن خواتین مسافر اپنو سفر بغیر کرایا غے طے کریں گی۔ قابل ذکر ہے جے وزیر اعلیٰ عمر عبداللہ نے اس گل ہی جانکاری اپنی پہلی بجٹ تقریر مانہ خواتین واسطے اس تحفہ گو اعلان کیو تھو واضع رہ جے دہلی تے پنجاب تو شاہر ہو غے جموں کشمیر سرکار تے کال سرمایہ واسطے مُفت سفر کرن غو اعلان کیو ہے۔ وزیر اعلیٰ عمر عبداللہ غا اس اعلان کرن تو بعد ضلع کشتواڑ تو تعلق رکھن آلا مچ ساری خواتین نے جن مانہ سلمہ لیاقت ممنا تے اربو واجد نے سرکار غی اس پیش رفت غی تعریف کرتا وں سرکار غو شکریو ادا کیو ہے اس سلسلہ مانہ گل کرتا وں خواتین سلما لیاقت نے اس طرح کہیو۔

BUDGET DISCUSSION

جموں کشمیر غی قانون ساز اسمبلی مانہہ بجٹ ۲ ہزار ۶۲،۵۲ اور جاری بحث غے دوجے تہاڑے ارکان نے بجٹ غا مختلف پہلوں ور گل کی بحث غو آغاز کرتا وان رکن میر سیف اللہ نے کہیو کہ یوہ ایک مفرد بجٹ ہے جہیڑو جموں کشمیر غا ہر علاقہ نانہہ شامل کرے۔ بحث مانہہ حصو لیتا وان پروفیسر گارو رام بھاگت نے کہیو کہ جموں کشمیر غی معشیت زیادہ زراعت غا دارو مدار ور ہے۔ اس واسطے زراعت تے اس تیں جڑیا شعبہ ور زیادہ توجو دتی جانی چاہیے۔ بجٹ ور بحث غے دوران حسنین مسودی نے وزیر اعلیٰ غو شکر یو ادا کرتا وان کہیو کہ انہاں نے بہترین عوام غی ضروریات نانہہ مدنظر رکھن آلو بجٹ پیش کیو ہے۔ افتکار احمد نے وی وزیر اعلیٰ غو شکر یو ادا کیو تے کہیو یوہ ایک بہترین بجٹ ہے جہیڑو معاشرہ غا تمام پہلوں نانہہ مدنظر رکھے۔ سلمان ساگر، دیویر سیٹھی، وید پرا، نیظام مدین بھٹ، مظفر اقبال خان، بیلال اکبر لون، تے مہراج ملک نے وی بحث مانہہ حصو لیو۔

DODA BLOOD DONATION

راسٹر رائفل نمبر ۰۱ بھارتی فوج نے پولیس لائین ڈوڈھ مانہہ خون غا عطیہ غو کیمپ انعقاد کیو جس مانہہ دوڈھ صحت محکمہ نے تعاون کیو اس کیمپ مانہہ فوج غا ۷۱ جوانان نے رضاکارانہ طور ور کون غو عطیو کیو محکمہ صحت نے اس قدم نانہہ سپرائو تے کہیو عطیو کیو گیو خوان حاملہ خواتین تے حادثہ غا شکار افراد غی جان بچان مانہہ مدد دے غو۔ اس سلسلہ مانہہ جی ایم سی دوڈھ گا بلڈ بینک غا انچارج گلدیپ سنگھ رکوال نے اس طرح کہیو۔

POONCH DEWORMING DAY

ضلع انتظامیہ پونچھ نے اج قومی کیڑا مار تہاڑا غا موقع ور متعدد پروگرامان غو اہتمام کیو ضلع پونچھ گا تمام سکولان تے آنگن واڑی سنٹراں مانہہ کیرا مار تہارو منایو گیو اس سلسلہ مانہہ بڑی تقریب سرکاری مڈل سکول آزاد محلہ مانہہ منعقد کی گئی جت ضلع پونچھ غا ترقیاتی کمشنر وکاس گنڈل نے وی پروگرام مانہہ شرکت کی۔ اس پروگرام مانہہ چیف طبی افسر ڈاکٹر پرویز محکمہ تعلیم گا چیف افتکار علی شاہ تون علاوہ متی تعداد مانہہ طالب علمان نے وی شرکت کی۔ پروگرام مانہہ تکنیکی ماہرین تے سی ایم او نے طلباء نانہہ کیرا غا خاتمہ گا قومی دن غا بارہ مانہہ وی آگاہ کیو تے انہاں نانہہ کیڑا مار گولی فراہم کی۔ اس سلسلہ مانہہ آکاشوانی سنگ گل بات کرتا وان ضلع ترقیاتی کمشنر پونچھ وکاس گنڈل نے اس طرح کہیو۔

WEATHER

محکمہ موسمیات نے پیش گوئی کی ہے جے آج تو خطہ مانہہ ایک ہفتہ توڑی بارش غو موسم رہن غی امید ہے آکاشوانی جموں غا نامہ نگار نے خبر ٹوری ہے جے محکمہ موسمیات نے دسیو ہے جے ۱۱ مارچ تون خطہ غا اچا علاقان مانہہ گرج چمک غے سنگ ہلکی تودرمیانہ درجہ غی بارش ہون غا امکان ہیں جدکہ گج ایک او چیری تہایاں ور بر □ باری وی ہوسکے تے جموں کشمیر مانہہ ۲۱ تے ۴۱ مارچ غے دوران کئی مقامات ور وقفہ وقفہ سنگ ہلکی تون

درمیانہ درجہ غی بارش تے بر □ باری غو امکان ہے محکمہ موسمیات غو مزید دسنو ہے
جے ۵۱ تے ۶۱ مارچ غے دوران کئی مقامات ور رُک رپک غے ہلکی بارش تے بر □ باری
ہوسکے۔
